

Broj: 73-11-3-1926/

Datum:

03-06-2025

Na osnovu člana 64. stav 1. tačka a), člana 25., člana 70. stavovi 1., 3. i 6. Zakona o javnim nabavkama (Sl. Glasnik BiH 39/14, 59/22 i 50/24), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 i 49/23), člana 48. Statuta KCUS-a (Sl. novine FBiH br. 73/13), člana 25. Pravilnika o javnim nabavkama Kliničkog centra Univerziteta u Sarajevu (br. 65-04-2-4654), na temelju Izvješća o radu i Preporuke Komisije za nabavku broj: 10-33-4-1-16663-4 od 27.05.2025. godine i Zapisnika o pregledu i ocjeni ponuda broj: 10-33-4-1-16663-3 od 27.05.2025. godine u postupku javne nabavke „Molerski radovi za potrebe KCUS-a” – ponovljeni postupak, V.D. Generalna direktorica donosi:

**ODLUKU
o izboru najpovoljnijeg ponuđača**

Član 1.

Prihvata se Preporuka Komisije za nabavku, broj: 10-33-4-1-16663-4 od 27.05.2025. godine. Okvirni sporazum u postupku javne nabavke: „**Molerski radovi za potrebe KCUS-a – ponovljeni postupak**“, dodjeljuje se ponuđaču NEIMAR d.o.o. Sarajevo (predstavnik grupe ponuđača NEIMAR d.o.o. Sarajevo i Prag d.o.o. Sarajevo) ponuda broj 54-05/25 od 13.05.2025. godine, za ponudenu cijenu od 148,00 KM (bez PDV-a) nakon provedene e-aukcije, kao najpovoljnijem ponuđaču.

Član 2.

Izabrani ponuđač je dužan da u roku od 5 (pet) dana od dana prijema ove Odluke dostavi originale ili ovjerene kopije dokumentacije iz člana 45. Zakona o javnim nabavkama (lična sposobnost) na protokol Ugovornog organa, a sve sukladno tačkama 4.1.5., 4.1.7., 4.1.9. i 4.5.1. tenderske dokumentacije.

Ukoliko izabrani ponuđač ne dostavi traženu dokumentaciju u određenom roku, ili je dostavi na nepropisan i nepotpun način, Ugovor će se dodjeliti narednom uspješnom ponuđaču sa rang liste.

Deak

Član 3.

Prijedlog Okvirnog sporazuma dostaviće se na potpis izabranom ponuđaču po pravosnažnosti ove Odluke. Okvirni sporazum se zaključuje na procijenjenu vrijednost javne nabavke u iznosu 70.000,00 KM bez PDV-a.

Član 4.

Ova Odluka objaviće se na internet stranici ugovornog organa, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 6. Zakona o javnim nabavkama.

Član 5.

Ova Odluka se dostavlja svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01-04-4-15067-3 od 30.04.2025.godine. Javna nabavka je sprovedena putem konkurentskog zahtjeva za dostavu ponuda, javne nabavke.

Procijenjena vrijednost javne nabavke bez PDV-a je 70.000,00 KM.

Obavještenje o nabavci broj: 893-7-3-180-3-549/25 objavljeno je na Portalu javnih nabavki dana 30.04.2025. godine.

Komisija za nabavku, imenovana je Odlukom broj: 73-04-4-15653 od 05.05.2025. godine.

Komisija za javnu nabavku dostavila je Ugovornom organu Zapisnik o pregledu i ocjeni ponuda broj: 10-33-4-1-16663-3 od 27.05.2025. godine kao i Preporuku o izboru najpovoljnijeg ponuđača zajedno sa Izvještajem o radu broj: 10-33-4-1-16663-4 od 27.05.2025. godine u postupku javne nabavke „**Molerski radovi za potrebe KCUS-a – ponovljeni postupak**“.

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da su u predmetnom postupku zaprimljene 4 ponude,
- da su blagovremeno zaprimljene 4 ponude,
- da nije bilo neblagovremeno zaprimljenih ponuda,
- da su bile 2 prihvatljive ponude;
- da su bile 2 nepravilne ponude.

-da su ponude ponuđača NEIMAR d.o.o. Sarajevo (predstavnik grupe ponuđača NEIMAR d.o.o. Sarajevo i Prag d.o.o. Sarajevo) i D&D d.o.o. Sarajevo prihvatljive, sa kojima je održana e-aukcija;

-da su ponude ponuđača UNI-PRODUKT d.o.o. Sarajevo i MAGIČNI KAMEN d.o.o. Sarajevo nepravilne, iz sljedećih razloga:

- Ponuda ponuđača: **“UNI-PRODUKT“ d.o.o Sarajevo** je nepravilna iz sljedećih razloga:

-Tenderskom dokumentacijom tačka 3. Podaci o ponudi stav 3.1. Sadržaj i način pripreme ponude m) jasno je definisano *“Izjava ponuđača sa imenom i prezimenom minimalno 3(tri) lica- kvalifikovana molera koja će biti angažovana na predmetnim radovima. Za dokaz kvalifikovanosti navedenih lica uz izjavu dostaviti diplomu ili uvjerenje o sticanju zvanja kvalifikovanog molera.”*. **Pregledom ponude komisija je konstatovala da je ponuđač dostavio Izjavu sa imenima i prezimenima 3 (tri) kvalifikovana lica, te kao dokaz kvalifikovanosti navedenih lica dostavio je „uvjerenje o osposobljenosti za bezbednost i siguran rad na radnom mjestu građevinski radnik-moler“** u kojem je navedeno da je „uposlenik osposobljen za bjezbjedan i siguran rad na radnom mjestu građevinski radnik - moler“ izdato od firme MAHER d.o.o. Sarajevo - Preduzeće za proizvodnju, projektovanje, inženjering, trgovinu i zastupanje d.o.o. Sarajevo (Komisija za osposobljavanje za bezbjedan i siguran rad na radnom mjestu građevinski radnik - moler). Dostavljeni dokaz kvalifikovanosti nije u skladu sa tenderskim zahtjevima kojim je jasno navedeno da ponuđač treba da dostavi diplomu ili uvjerenje o sticanju zvanja kvalifikovanog molera. Iz navedenog dokaza komisija ne može zaključiti da su lica stekla zvanje molera.

-U napomeni navedene tačke jasno stoji: *„Ponuda mora sadržavati sve navedene dokumente u originalu ili ovjerenoj kopiji (ovjerena kopija originala podrazumijeva kopiju originalnog dokumenta ovjerenu kod nadležnog organa – organ uprave ili notar, u daljem tekstu ovjerena kopija), u suprotnom će se smatrati nepotpunom i neće biti uzeta u dalje razmatranje. Neprilaganje bilo kojeg dokaza i/ili izjave diskvalifikuje ponuđača.“*

Iz navedenog razloga ponuda ponuđača “UNI-PRODUKT“ d.o.o Sarajevo je nepravilna i ne uzima se u dalje razmatranje.

-Ponuda ponuđača **MAGIČNI KAMEN d.o.o Sarajevo** je nepravilna iz sljedećih razloga:

- Tenderskom dokumentacijom tačka 3. Podaci o ponudi stav 3.1. Sadržaj i način pripreme ponude ugovorni organ je definisao šta ponuda mora da sadrži. Pregledom ponude ponuđača **MAGIČNI KAMEN d.o.o Sarajevo komisija je konstatovala da ponuđač nije dostavio zahtjeve tražene tačkama:**

i) Izjava o nepromjenjivosti cijene za vrijeme trajanja Okvirnog sporazuma;

k) Izjava ponuđača da će na predmetnom ugovoru biti angažovana kvalifikovana radna snaga u dovoljnom broju kako bi se obezbijedila realizacija ugovorenih radova u skladu sa traženom dinamikom radova (definisanih Aneks-om 3);

l) Izjava kojom ponuđač potvrđuje da će radove definisane okvirnim sporazumom izvršiti u roku od maksimalno 30 (trideset) dana od dana potpisivanja pojedinačnog ugovora i izdavanja narudžbenice;

m) Izjava ponuđača sa imenom i prezimenom minimalno 3(tri) lica- kvalifikovana molera koja će biti angažovana na predmetnim radovima. Za dokaz kvalifikovanosti navedenih lica uz izjavu dostaviti diplomu ili uvjerenje o sticanju zvanja kvalifikovanog molera.

n) Izjavu ponuđača da će prilikom izvođenja predmetnih radova koristiti skelu sa važećim atestom i primjeniti sve uvjete za rad na visini u skladu sa Zakonom o zaštiti na radu

o) Izjava ponuđača da je garantni rok na izvedbene radove 12 (dvanaest) mjeseci

Ponuđač je dostavio Izjavu pod tačkom m) i diplome koje su tražene tenderskim zahtjevima, ali iste nisu ovjerene od nadležnog organa kako je traženo TD te su kao takve neprihvatljive.

-U napomeni navedene tačke jasno stoji: „**Ponuda mora sadržavati sve navedene dokumente u originalu ili ovjerenoj kopiji** (ovjerena kopija originala podrazumijeva kopiju originalnog dokumenta ovjerenu kod nadležnog organa – organ uprave ili notar, u daljem tekstu ovjerena kopija), **u suprotnom će se smatrati nepotpunom i neće biti uzeta u dalje razmatranje. Neprilaganje bilo kojeg dokaza i/ili izjave diskvalifikuje ponuđača.**“

Iz navedenih razloga ponuda ponuđača MAGIČNI KAMEN d.o.o Sarajevo je nepravilna i ne uzima se u dalje razmatranje.

U predmetnom postupku javne nabavke propisano je održavanje E-aukcije; koja je i zakazana sa ponuđačima koji su podnijeli prihvatljive ponude.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, V.D. Generalna direktorica nije našla razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

najniže dostavljene cijene ponude (cijeneći kriterij za dodjelu Ugovora), održane e-aukcije, tehnički i formalno-pravno ispravno dostavljene ponude u okviru procijenjene vrijednosti javne nabavke

- Naziv ponuđača čija je ponuda ocijenjena kao najpovoljnija:

NEIMAR d.o.o. Sarajevo (predstavnik Grupe ponuđača NEIMAR d.o.o. Sarajevo i PRag d.o.o. Sarajevo).

Iz navedenih razloga, primjenom člana 64. stav 1. tačka a) Zakona o javnim nabavkama, člana 25., člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14 59/22 i 50/24), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 i 49/23) odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, ili preporučenom poštanskom pošiljkom.

V.D. Generalna direktorica

M.P.



Prof.dr. Hajrija Maksić

Dostaviti:

- Ponuđačima;
- Služba za javne nabavke;
- a/a.